



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Vitæ S. Ferdinandi, Regis Castellæ Et Legionis, Ejus
Nominis Tertii**

Papebrochius, Daniel

Antverpiæ, 1684

Cap. II. Henrici pueri breve regnum in Castella, sub Alvaro Comite &
Sorore Berengaria, Sancti matre.

urn:nbn:de:hbz:466:1-42333

deliciarum verti, scilicet spirituallum: sunt enim Huelgæ, viridaria & domus recreationi & quieti comparatae. Toletanus passim & simpliciter appellat monasterium Regale, vel S. Mariae Regalis; donec ejus & Academie fundatione agit lib. 7 cap. 33 & 34: fuit autem Ordinis Cisterciensis. Mariana Hispanam vocem Latina forma donans, Oleas vocat.

g Academia Palentina multum celebratur propter S. Dominicum, Ordinis Predicatorum auctorem, qui ex illa prodit. Alfonso Garciæ Matamori an. 1553 opusculum scripsit de Academis Hispaniæ, sed conditam ait ab eo quo fermebat tempore annis circiter 380, ergo circa annum Christi 1173. Atqui tunc nescidum natus. Ferdinandus erat, multo minus ejus filius, quem ipse Academie conditorem facit, prouepotem scilicet loco provari accipiens. Quando autem desierit esse non addit.

h Alarcurim appellab Toletanus, agensque de clade hic accepta à Christians lib. 3 cap. 29, adscribit eam

Ere 1233, qui nobis est annus 1195.
i Toletano Sucaris cap. 36, ubi de
hujus belli apparatu,

k Vide hac de re lib. 8 cap. 6, &
reliquam celeberrime pugne ac vi-
toria historiam lege.

l Toletano, Mansio in radice
montis de Muradal; Hispanice,
Puerto de Muladar; eo scilicet
sensu, quo Portus siccus gens illa
appellat, quasvis Angustias mon-
tium.

m Eadem Bilche & Balnea:
Ubera autem cum Beata, vulgo
Baëza, licet hic prius nominata,
posteriori tamen capi & fuerunt, ut pa-
tet legenti lib. 8 cap. 12.

n Hacenus historiam Alde-
phoni IX, ex Roderico Toleta-
no, compendio sumptam habes, ut
est in Chronica nostra: nunc ipsa-
met Roderici verba, id est totum
librum octavum consequenter accipe,
capitibus nonnullis ex Chronica ad-
ditis interpolandam; quandoquidem
auctor Chronicæ, in iis que à Ro-
derico accipere potuit, dumtaxat
interpretem egit.

CAPUT II.

Henrici pueri breve regnum in Castella, sub Alvaro
Comite & sorore Berengaria, Sancti matre.

EO igitur jam sepulto, filius ejus Henricus & parvulus & heres à Pontificibus & Magnati- bus, universo Clero Te Deum laudamus can- tante, ad regni fastigium elevatur. Undecim annorum erat cum regnare coepisset, & duo- bus annis & decem mensibus regnavit. Verum post mortem Regis nobilis, viginti quinque diebus transactis, Alienor uxor ejus fuit rebus humanis exempta. Hæc erat Henrici Regis Angliae filia, pudica, nobilis & discreta, & sepulta est in praedicto monasterio jux-

CAP. I.
Alphonſo
Regis duo-
dennis filius
Henricus,

ta virum: & custodia pueri Regini & regni gubernatio remansit penes Berengariam Reginam, sororem ejus. Cujus diligentia sic apparuit, toto tempore sui Regiminis, ut pauperes, divites, ecclesiastici, seculares, sicut tempore Regis nobilis fuerant, in suis statibus servarentur; licet Baronum varietas, zelo invidiae circumacta, dissidia procuraret.

*sub tutela
fororis Be-
rengariae*

*traditur ab
eadem Co-
miti Alva-
ro.*

9 Cum vero essent tres Comites, Ferdinandus, Alvarus, Gundisalvus, filii Comitis Nunii, cœperunt ad custodiā Regis pueri inhiare, ut concepta odia possent in his quos oderant vindicare, sicut pater eorum fecerat, tempore pueritiae patris ejus. Aliqui etiam, quibus Regina Berengaria se crederat, eorum studiis consenserunt, mediante quodam Milite Palentino, qui Garcias Laurentii dicebatur, & de mandato Reginæ erat custodiæ Regis pueri deputatus. Hic promissa sibi a Comite Alvaro in hereditatem villa, quæ dicitur Tabulata a, Regi suasit ut ad Comitis Alvari custodiā se transferret. Quod cum solers Regina Berengaria percepisset, animo gratanti concessit: sed timens insolentias quæ venerunt, fecit jurare Comitem Alvarum & Magnates, ut sine ipsius Reginæ consilio, nec aliquibus terram auferrent, nec aliquibus terram darent, nec vicinis Regibus guerram moverent, nec multam imponerent in aliqua regni parte: & jura menta & hominum in manu Roderici Toletani Pontificis firmayerunt; ut, si contrarium facerent, proditionis infamia tenerentur.

10 Sed quia Regina, propter importunitatem Militum & Majorum, tædio erat affecta, timebat ne regnum in sui custodia turbaretur, & ideo Comiti Alvaro dedit puerum conditionibus supradictis. Qui cum Gundisaldo Roderici & fratribus suis, tunc sibi faventibus, incontinenti Burgis egrediens, cœpit exterminia procurare, magnos humiliare, & vulgi divites exhaustire, Religiones & Ecclesias ancillare, & decimarum tertias, quæ ad ecclesiarum fabricas pertinebant, co-
pit

*Accipit a
lus & pro-
cerum fide:*

pit similiter infiscare. (Sed excommunicatus à Roderico Toletano Decano, qui vices Archiepiscopi tunc gerebat, coactus fuit restituere, & jurare *b* ne de cetero attentaret) & ecclesiarum homines, qui privilegiorum regalium immunitatē gaudebant, cœpit extactionibus subjugare.

11 Verum cum apud Vallem-Oleti Curiam celebraissent Magnates alii, Luperus Didacus & de Pharo, Gonsalus Roderici & fratres, Rodericus Roderici & Alvarus Didaci de Camberis, Alphonsus Telli de Menesis & alii nobiles, Regni exterminio condolentes, curaverunt tantis cladibus obviare: & Reginæ Berengariæ prudentiam adeuntes, humiliter suppli-
c
carunt, ut regni miseriis condoleret. Comes autem Alvarus cœpit Reginam nobilem infestare, adeo ut ea, quæ sibi pater suus dederat, occuparet; & ei etiam ore temerario demandavit, ne in regni finibus remaneret. Tunc Reginam nobilis, cum sorore sua Alienor, quæ fuit postea Regina Aragonum, & erat tunc temporis domicella, in castrum Gonsalvi Roderici, quod Aptellum dicitur, se recepit, ibique deguit usque ad mortem fratris. Sed prædicti Magnates, tamquam naturali Dominae fideliter adharentes, Regi parvo fidelitatis debitum in omnibus servaverunt. Ceterum prædictæ Reginæ solers industria, omnia sic provide ordinavit, cum Magnatibus illis, ut & Comitis Alvari insolentias refrænaret, & jura sua Regi parvo conservaret.

12 Verum cum Rex tenellus intentionem Comitis sagaci indole jam sentiret, libenter volebat ad sororis custodiam se transferre. Sed Comes Alvarus per suos complices ita cavit, quod Rex puer quod volebat non potuit effectui mancipare. Nam Comes callide cogitavit uxorem ex Portugallia sibi dare, qua mediante posset puerum in suo beneplacito retinere. Sed in contrarium res evenit: nam cum Mafaldam filiam Regis Portugallie adduxisset, & puer non esset

¶

in

*ille vero ec-
clesias &
nobiles ve-
xans,*

b

*ideoque in
Comitiis
accusatus,*

*contra
Reginam
insurgit;*

*Regem im-
pubrem u-
xori jungit.*

in aetate nubili, remansit Domina conjugali commercio defraudata: & quia se consanguinitatis linea attingebant, de mandato Innocentii Papae fuit coniubium separatum: & post, ut fertur, inter se & Dominam voluit Comes Alvarus connubium procurare: sed ipsa, cum esset pudica d, verbum respuit indignanter.

CAP. III
magnam
colligit fa-
ciliorem;

e
conatus Re-
gem aliena-
re à Sorore,

f
refutatur à
populo.

g

13 Post Curiam Vallis-leti Comes Alvarus cum suis complicibus, & cum Rege Extremo-Dorii peragravit, Majorum animos sibi concilians, ut eorum favore posset aliis imperare, & habentium divitias exaurire; & inde se transtulit ultra Serram. Et cum venisset Maquedam, quæ est oppidum in diocesi Toletana, Reginæ nobilis misit nuntium de fratribus statu clanculo percunctari: erat enim sollicita, eo quod à Comite Alvaro negligentius servabatur. Et cum Comes Alvarus de nuntio comperisset, fecit scribi litteras imposturæ, & falso sigillo Reginæ nobilis intercludi, in quibus continebatur, quod Reginæ nobilis scribebat aliquibus, de consilio Magnatum de campis, ut cum toxicis sibi missis fratri suo exitiale poculum propinarent, ut sic puerum ad sororis ocium gravius provocarent: & hominem continuo suspenderunt.

14 Sed cum labia malignorum sibi velut ebria mentiantur, qui Susannam à falso testimonio liberavit, Reginam nobilem & innocentem ab imposturæ mendacio liberam declaravit: & ut in suis mendaciis caperentur iniqui, communis & fidelis assertio omnium sine dubio affirmabat Reginæ nobilis veritatem; detestans maledictis & convitiis quod iniquitas adinvenit. Et licet effronti superbia Comes Alvarus niteretur, tanta tamen effebuit subficiatio populi contra eum, ut cogeretur recedere à partibus diocesis Toletanæ: & Optam f veniens ibi aliquamdiu fecit moram. Advenit autem Miles nobilis Rodericus Gondesalvi de Valle-viridi, qui beneplaci-

tum

tum Regis pueri jam habebat, ut ad sororem suam inscio Comite Alvaro se transferret. Sed cum Ferdinandus Nunionis, Comitis Alvari fautor & nepos, comperisset; ex improviso assumptis militibus supervenit, & captum duxit ad h Alarconem.

15 Tunc Comes Alvarus, ut in regno excidia ex-
citaret, fautoribus Reginæ nobilis movit guerram;
& assumptis quos habere potuit, cum Rege ad Val-
lem-oleti in sequenti Quadragesima pervenerunt: &
Paschate Resurrectionis Dominicæ celebrato, cum
Militibus Castellanis & de Extremis-Dorii i Val-
lem k triticariam vastaverunt, & domos Magnatum
qui Reginæ favebant hostiliter dissiparunt. Deinde
in castro quod Mons-alacer l dicitur, Suerium Tellii
obsederunt. Sed cum Gonsalvus Roderici & fratres
eius & Alphonsus Tellii pluribus militibus præmine-
rent, Regis præsentiam reverentes, noluerunt obsesto
fieri in succursum: sed ipse Suerius Tellii Regi pe-
tentia protinus castrum dedit. Exinde Comes cum
Rege procedens in campis, plurima devastavit, & apud
Carrionem per dies aliquot fecit moram. Deinde ad
Villam-albam de Alcor contra Alphonsum Tellii
properavit: & quidam milites ex agmine præcurren-
tes, extra munitionem Alphonsum Tellii repererunt:
& captis equis & armis ipsum etiam vulnerarunt, &
vulneratus in municipio se recepit: ubi per aliquot
dies obsefus, viriliter se defendit.

16 Ab obsidione vero Comes recedens Palentiam CAP. IV
festinavit. Reginæ autem & sui Nobiles in Aptello
& castro m Cisnario morabantur, & nesciebant quid
agerent: eo quod in exercitum Rege præsente non
poterant insilire, nec illatas injurias sustinere. Unde
communiter decreverunt Regi restituere terram
suam, & de cælo auxilium expectare. Cum igitur
terra, ut dictum est, variis incursionibus vastaretur,
& Comes cum parvo Rege Palentiam advenisset;
contigit cum in domo Episcopi hospitari, & res ec-
clesiac

*Regis trans-
fūtum ad so-
rōrem impe-
dit:*

i

k

l

*arma contra
ipam mo-
vet;*

*filium ac-
cessit.*

clesiae ut hostem consumere & devastare. Quadam autem die, cum Rex puer instaret ludicris cum coetaneis Domicellis, minus provide custoditus; Domicellus quidam, e turri casu tegulam projiciens, Regem in capite vulneravit: ex quo iectu post dies paucos fuit mors lugubris subsecuta. Sed antequam rumor loquacitas divulgasset, Regina sapiens misit Lupum Didaci & Gondisalvum Roderici Magnates pro filio suo Ferdinando, qui apud Taurum cum patre tunc temporis morabatur. Qui euntis rumorem de morte Regis pueri * sumpserunt, & Regi Legionis causam aliam suadentes, cum Infante Ferdinando ad Reginam Berengariam redierunt.

ANNOTATA.

a *Iuxta Chronicam (unde deinceps vulgaria nomina apponemus) Talada* quod est in Cerracco: sed forte legendum Tablada; quo nomine etiam planities infra Hispalim nominabitur num 80: in confinis autem veteris Castella ac novae reperio notatos Montes Tabladæ, unde colligo fuisse hujus nominis oppidum.

b *In notis ad Historiam Roderici Toletani, editionis Francofurtensis pag. 161, proferuntur charta dui, Henrici filii Regis pueri & tutoris Alvari, apud Soriam 15 Febr. Era 1254, nobis 1216, quibus uterque Comes vero etiam sub juramento & multo prolixius, abdicat tortuus Ecclesiarum.*

c *Vulgariter de Haro, quomodo Hurtado pro Furtado, Herrera pro Ferrera, Hernando pro Fernando, alias infinita paulatim invaluerunt, mutato Fin H, am in verbis quam in nominibus adjectivis substitutisque.*

d *Viam hujus Mafaldæ, us Sanctæ, dedimus in Appendice primi Tomi ad diem 1 Maji, ubi & Virginis tulum ei vindicavimus, & consanguinitatem explicavimus qua ipsam inter & Henricum erat, vixit autem deinceps Aroca in Lusitania, in fundato a & Virginum Cisterciensium monaste-*

rio, ibique colitur, deinceps an. 1251. e Magnates de campis, eos dicere viserunt, qui dimissi Curia ad suis fundos repererant, Reginæ contra Alvarum adherentes.

f *Opra, vulgo Huete usi Guete, inter Toletum & Concham, huic quoni si vicinius: in tabulis Alcazar de Guete.*

g *Clonica, Ruy Gonzalez de Valverde.*

h *Alarcon, veteribus Illeco, in Sucarim flumen, medium fere inter Toletum & Valentiam.*

i *Extrema-Durii, Vulgo Estre-madura, inter Castellam & Portugalliam flumine Durio intersecta; quod vero porro extenditur ad maius secundum eundem fluvium, Extremadura Portugallica nuncupata ab aliquibus.*

k *Vallis-triticaria, vulgo, Val de trigueros.*

l *Mons-alacer, vulgo Mont-alegre, Carrionem vero esse credo, quod hodie adhuc dicitur Carrion del Conde, inter Burgos & Legionem. Cetera loca ubi sita sunt, Hispani permitto querere.*

m *Male impressum Cinisarium, vulgo Castro Gisneros.*

CA